

程

白沙先生全集卷之十八

門人通政司叅議張詡編校
後學新會縣教諭俞樟重校

七言律詩

與友約遊仙井

仙井會容雙眼到病軀
湏着一筇扶春風有客
來相問何日扁舟進所如
市道難交終索寞幽
居擬卜只虛無
憑君寄語山靈道
欲傍啼猿借一區

馬貞卜築園中與容貫同處

何處有花堪結椽溪邊園裏樹相連一齋一榻
同燈火江水江花自歲年元亮高棲須避俗嚴
青異骨合成仙東風兩岸黃鸝語我亦中流坐
我船

自斗岡還至汾水江值暮

歸舟欲背南風發別棧初開落日斜杜曲寄聲
憑驥子是日景易武陵回首惜桃花東遊西泛
經旬日揮翰留詩到幾家滿眼却愁歸路黑時

從野老問江義

九日下廬山示譚希聖

瘦藤扶上小廬山東望何州不見顏衰髮插花
秋意思浩歌揮棧酒波瀾山中雲氣方迷畫草
際虫聲漸逼寒知我倚松長咲罷江門水月正
宜觀

吊崖

天王舟楫浮南海大將旌旗仆北風義重君臣
終死節時來胡虜亦成功身為左衽皆劉豫志

復中原有謝公人衆勝天非一日西湖雲掩鄂
王宮

子陵

誰將此筆點行藏真有乾坤日月光三尺羊裘
幾銖兩千秋龍衮共低昂客星天上何須急老
脚人間不浪長留得先生在台輔不知東漢可
陶唐

子陵其二

羊裘不返道終疑玉帛雖來事可知天下君臣

光武召世間膾炙子陵碑故人不改狂奴態一
事堪爲百世師九鼎漢家從此重聽歌山谷老
人詩

其三

桐江秋水來天地照見千年老鳳還太史直書
形迹外先生猶在是非間交情此去投當宁年
事何勞列從班欲向東吳問遺老江湖容有此
翁閒

其四

先生如此亦天民高坐桐江一水濱却到陵夷
排亂賊方知名節是忠臣白鷗自去江湖遠黃
紙何來道路頻徃徃見人東廡下傷心一代帝
王真

讀張曲江撰徐聘君墓碣二首

杜陵煙艇曾來否相國銘章今在亡千古我能
生感激一碑誰可借輝光江波自映蒲輪返原
草還沾絮酒香事異鑿坏終遠去鴻冥天闊道
之常

桓靈而下使人悲却憶陳蕃在郡時何處公車
還欲召平生此榻竟奚裨事機成敗我當筭天
命去留人得知萬古江山一回首風清月朗聘
君祠

西南驛晚望

曉來花雨濕詩囊晚上郵亭望大荒南盡海旁
諸郡淺西來天上一江長漁歌落日還孤艇樹
隔啼鶯背短墻料理憑高非一事樽前誰與共
平章

壬辰秋九日圭峰作

神仙自古非無術佳節如今更要詩野岸扶行
秋勃率山靈逢見恐驚疑朋來斟酌三杯酒我
未悲傷半日時醉上藍輿還老母咲携稚子候
門籬

秋江漫興

能傾瓦觥深深酒不盡秋江短短篇閑弄孤舟
移白日明開兩眼看青天鷗遷遠渚眠何處雲
颭高風落此川野老隔波頻問訊可能無意向

神仙

送羅養明還江右二首

長寄湖西夢裏身扁舟春早忽相尋乾坤自古
悲難合伯仲而今契亦深草色正催公子醉花
枝不稱老年心何須袖却鴛鴦手更向滄溟問
我針

懶作人間賣卜仙紅蕖浪裏枕書眠詩篇到老
絕求世酒錢逢春不愛錢鷗鷺一群清似雪江
湖諸子遠如天扁舟忽報金牛信也得江花對

惠連

谷西良荔枝

殷夜春雷憎攪睡灑窓涼雨苦催詩三年得句
無僧鳥昨日逢人說李遲殘內須耽長醉酒世
間胡有不爭棋短歌歌罷無人聽持向西良谷
荔枝

村中即事

山風處處聞松花江市日日來魚蝦高田一弓
走獵犬灌木幾株叢老鴉正逢元宵市燈好亦

有雜劇村鼓擗野老西疇急春事長揖縣官歸
縣衙

曉枕過金洲戲作

行人拍手笑天公十月江湖未朔風旭日上天
纔半赤晴霞照水忽殷紅注日九江來艇急回
頭三老着篙慵何須却走蒼梧道不道天公也
笑儂

清明前三日有懷亡友伍光宇無子

先生英骨萎蓬萊幽思憑高不易裁荒歲無窮

春易老清明將近雨還來皇天自失包胥定泉
壤誰與伯道哀尋樂齋前數株樹月明空有鶴
飛回

禱雨呈縣主丁彥誠

峰頂爲壇五土升皇穹端合享精誠雨聲先到
玉臺寺雲氣初蒸綠護屏野老分錢湏一虎病
夫獻茗走諸生年豐我欲昭神貺絕壁高鑄令
尹名

奉陪趙提學崖山慈元殿吊古

信國諸臣近有碑一陵瀕海尚堪疑荒山野水
無人到落日輕風送我旗天地幾回人變鬼風
波萬里毋將兒萋萋芳草慈元下邂逅漁樵問
舊時

李德孚挽歌詞

此翁白髮已垂肩猶借滄波十載眠德孚己丑
借予自京

師歸不復出至
是十年而卒一舸載書同載酒幾家留藥更

留錢山陽笛奏西樵

南海山名余曩與伍光宇
同遊後有西樵山感舊詩

即此月薤露歌傳大石德孚所
居村名篇誰道人生只

如此兩行哀泪落江煙

別時已動東遊興別後還深永訣悲夫子春秋
能六十故人涕泪不童兒身如南郭人間老家
有文溪地下師脩短未知誰喜戚天涯孤影日
凄其

題莊定山詩集

春風一曲有霓裳不落人間小錦囊今代名家
誰李杜先生高枕自羲皇乾坤兀兀中流柱風
月恢恢大雅堂莫道白沙無眼孔濯纓千頃破

滄浪

浴日亭次東坡韻

殘月無光水拍天漁舟數點落前灣赤騰空洞
昨宵日翠展蒼茫何處山顧影未須悲鶴髮負
暄可以獻

龍顏誰能手抱陽和去散入千崖萬壑間

扶胥口畫事借浴日亭韻

早春約我扶胥口今日進舟黃木灣使君已去
漫留諾水國獨吟空見山老向煙波真得地晚

來風日更開顏明朝去覓南川子與話平生水

石間

南川子
林光也

宿欖山書屋

一片荷衣已蓋身閉窗眠者乃何人江山雨裏
同歌嘯今古人間幾屈伸長與白雲爲洞主自
栽香樹作齋隣山中甲子無人記一度花開一
度春

別欖山

羅浮山色眼中來老子心情不易裁高浪不驚

南海船白雲聊共欖山盃未知竹徑留人否那
問天公着雨催主人更道秋來好收拾黃花待
我回

餘興

何處秋聲入短琴江邊簫瑟起楓林空歌白雪
兒童笑不負滄波老子心釣石摩挲雲氣暖睡
沙展轉月痕深眼中昏嫁隨時了只有床頭鬢
犬金

陳冕來遊白沙至仰船江遇石尤風舟覆

中流幾覆程夫子何況白沙門下人賢輩何曾
負天道老夫正自怪江神仁義幾回驚闊論利
名何處不通津祗應歸拜庭闈日棄置艱難不
肯陳

羅一峰輓詞二首

今我何敢私一峰百年公論在兒童要知此老
如君實更恐前身是孔融青天白日人千古五
典三綱疏一通天下何常乏知己我言剛與定
山同

狀元文史多微星翰苑爲官謾兩京既有光華
爭日月那無描畫在丹青表章細事憑諸老悵
望高風激後生千秋欲與蘇徐並湖水中央更
一亭

杜阮看山容貫卜居之地二首

曾於海上望羅浮魂爽高飛未得收一片好山
還入眼兩巡瘦馬更回頭青浮竹杪岡連峙紅
浸花枝水曲流君若卜居須卜此澗邊黃髮是
巢由

數家種竹已成林共有平生卜築心草木總偷
春色早雲霞偏傍晚山深鶯聲早赴山靈約松
蓋先分地主陰欲置一菴三級土結趺高榻對
南岑

代簡谷府主伍大夫爲莆田林侍御求草
書

閉門一病九十日小草大草生荒蕪山癯須愛
老狂客府主正逢賢大夫藥裹君臣眠處有墨
池風雨坐來無秃管已馳林侍御如今雪爾不

還莆

東亭奉別憲副陶公

父老連村擁畫航東亭西日引盃長舊是宰官
今憲副後來新會古桐鄉指揮戎馬能千里表
裏山河捍一方太史但收能吏傳昇平不必問
耕桑

蔣宜誼以厥考樵林摘稿及其所著續宋
論見寄代簡奉荅

江右詩書不乏賢君家父子盡堪傳樵林一摘

幾千首宋論直窺三百年西漢文章遷史後東
吳風月定山前乾坤隻眼知誰在不是楊雄不
好玄

寄景星海上

妬花暝雨迷千里隔水殘紅墮幾車夢破三更
子規鳥香來一樹木犀花病夫老去頭如鶴稚
子春來髮似鴉海曲傳詩意無盡更期何處問
丹砂

次韻都憲朱公歸興

當日頭顱也未然相逢休問買山錢葛巾旋把
陶潛酒煙水將歸范蠡船嶺表他年須遠略桂
陽秋月憶高眠大臣去就嫌疑絕還以嘉謨贊
九天

命孫田

新開斥鹵走通川賸種烏糝益稅錢士不居官
終愛

國孫當從祖是名田幸生天下承平日屢見人間
大有年從此不須憂俯仰茅齋向暖抱孫眠

辛丑元旦戲筆

酒盃不與年顏老詩思還隨物候新分外不加
毫末事意中長滿十分春栖栖竹几眠看客處
處桃符寫似人除却東風花鳥句更將何事答
洪鈞

與謝朓

柳市南頭望客舟青山無語水東流江花自對
黃鸝晚風雨偏催白髮秋宇宙萬年開老眼肝
腸一縷入春秋明朝日出波濤暖依舊忘機對

海鷗

重贈張詡

風雨何人來款扉滄江煙艇疾於飛正將白首
憐傾蓋不管春泥得上衣詩句與君爭出手酒
盃中我自忘機傷心萬里滄溟水又逐長風破
浪歸

醺醺將開值雨

相看無語只沉吟蓓蕾枝頭已簇金山雨不來
昏晝景東君容有妬春心較量花品終何益茫

昧天機亦自深明日陰晴還未定一尊何急對
花斟

峇梅繡衣見訪

一春煙雨暗荆扉繫馬憐君共落暉酒錢香風
吹月桂硯池清露滴醺醺水中郭索嗔皆是屋
上慈烏愛亦非天道不移人自異紅塵飛上釣

魚磯

陳庸被盜張詡有詩唁之因次其韻

三尺龍泉八尺身書生膽氣欲驚人亦遣偷兒

知我輩還將直道是斯民風連蜀魄東方曉雨
洗茶蘼昨夜春白舫望君心若渴清川照我髮
如銀

曉枕

天時人事莽何窮睡破山窓正惱公幾點木犀
三月雨一聲蜀魄五更風青春有限年年老白
髮無私個個同莫共老人論甲子間閭稚子亦

成翁

詠鶴

孤山赤壁兩茫茫
疎柳江邊一草堂
塵世似多黃髮老
仙食真對縞衣郎
風回蕙帳聲猶裊
月落芝田影漸長
却怕茶煙生一縷
等閑飛去碧沙旁

憶鶴

孤山有月好西湖
只問湖中鶴在無
頸閣瘦軀三尺半
聲搖殘夢四更初
青田別去何由見
赤壁飛來不受呼
寂寞小齋誰是伴
寒蘭香裊舊團蒲

謝惠壺

江上花邊到一壺
春風日日要人扶
數篇栗里乃何趣
五斗高陽非酒徒
春事無多花去眼
老形已具雪添鬚
醉鄉着我扶溪老
白壁黃金惠不如

題閑叟

前村煙火熟朝炊
正是先生睡足時
身帶江山人在畫
日窮今古世爭棋
花邊擊鼓諸孫戲
竹下扶筇一鶴隨
應咲書生閑未得
白頭憂世欲

何爲

游心樓爲丁縣主作

城外青山樓外城城頭山勢與樓平坐來白日
心能靜看到浮雲世亦輕高閣祇宜封斷簡半
年方許讀西銘乾坤一點龍門意分付當年尹
彥明

次莊定山清江雜興韻

家學華山一覺眠圖書亦在枕頭邊傍花隨柳
我尋句剗水殘山天賜年竹徑旁通沽酒市排

花亂點釣魚船平生我愛孫思邈自古高人方
又圓

中秋夜示江右李劉二生

勝會古來非獨今兩生尊酒喜同斟且看溟海
中秋月莫動匡廬半夜心天道端湏憐主客浮
雲不敢弄晴陰堯夫獨愛梧桐上萬籟無聲意
自深

辭脩縣志

吁嗟文獻荒涼久著述圖經長老宜令尹高才

應處分病夫何者敢聞知嘗聞司馬開班范直
似家翁詔小兒史體所關無大小千秋麟筆寄
宣尼

寄李九淵

黃花開盡不持醪更對黃花讀楚騷江閣影流
西日轉海鴻聲引北風高大寒天地猶堪出聖
老筋骸總厭勞嗟我與君同甲子鏡中誰讓長
霜毛

次韻梅侍御贈別

朱絃一弄白雲深山水何人共賞音老去布裘
偏愛日春來花樹不宜陰兩端始復雖天道一
體乾坤是此心扶病寒江遠相送古柳葉脫北
風吟

贈同遊馬玄真伍伯饒甥舅

江流東與海潮通江去潮來今古同巖洞風光
詩卷裏天涯歲月釣船中老甥動上常隨舅小
友心情愛傍公更約鐵橋窺險絕筆牀琴匣未
須封

立春日作呈縣主丁彥誠

浮生五十五回逢青帝明朝駕自東
草色向江先自綠桃花臨路爲誰紅
高堂滿獻曾孫酒小邑初移令尹風
身着斑衣啼又笑老萊真個是
兒童

元夕

欲將斗柄作垂鈎高掛銀蟾照九州

皇帝萬年臨宇宙群黎無處不歌謳
兩間和氣氤氳合五色卿雲爛熳浮
一曲昇平人盡樂老夫林

下更何求

賀冠者

都老門前十丈松采帷高映日曛曛
賓迎一徑桃花裏春在三加酒琖中
禮式未忘洪武化絃歌還動子游風
主人不用投壺勸醉倒江門老石翁

寄高知縣

下疑河嶽上星辰何處勾連得此身

天子未旌強項令督郵多見折腰人
青天白日孤城

天
曉碧柳黃鸝萬井春澗底菖蒲真未有堪君服
食更通神

次韻伯饒見示養內之作

小結菴居不化緣牽蘿架石兩三椽一函玉笈
飛霞裏半枕華胥語鳥邊東老豈知丹是酒
人多以管窺天市中買得參同契萬遍千周然
未然

又用韻奉答伯饒見拉出釣

好共溪山結晚緣竹枝深夜響漁槩風清月朗

滄溟外魚躍鳶飛枕几邊茶竈煙消回野艇竹
竿霜冷釣秋天少年孟浪東西走衰病于今耻
復然

苦熱

尋常衣汗濕青荷爭奈連朝溽暑何四象陰陽
分老少一年天地幾中和水枯瓦沼蛙將徙日
炙山枝鳥不歌一事傷廉非得已竹林水簟受
風多

寄林虛窓

蒼梧酒興未消磨又向江門鼓枻歌鳥見畫來
高畫品我疑詩巧是詩魔輞川樹石愁摩詰與
可精誠動老坡開眼也知真有益後來歲月悔
無多

晝睡

林木蒼蒼鳥哺雛江亭春與睡相宜風花已遣
新年醉氣候還增病叟癡塵世悲懽忘處了浮
生日月夢中移晨炊未熟無人喚正是飛雲曳
杖時

對酒

竹杪風輕瓦雀哀葛巾蕭散步階苔放懷自對
溪花咲好事誰撐酒舫來白髮驚看今日老青
春剛到隔年回狂心被酒如飛鶴又逐紅雲上
玉臺

二仲爲儔蔣詡家蕭然鶴髮映烏紗春來歌唱
惟消酒老去園林尚種花蚤卜居廬依木石不
論日月住煙霞小齋半夜忘眠處三尺盆池一
口蛙

南歸途中見寄諸鄉友二首

我家久住龍溪上說着龍溪便有情荔子不將
梨鬪羨沙螺羞與蠓爭衡江村婦女蕉衫窄市
巷兒郎木屐輕漫興詩多誰和我樽前忙殺馬
先生

不分賓主共林塘脫下朝衫作道裝酒爲老夫
開甕盞茗和春露摘旗鎗津頭水蒲鴛鴦下墻
背風來枳殼香何處與君拚坐久萬株花裏小
藜床

與謝祐

易生忽與謝生來小雨初晴到玉臺笑我十年
臯席在爲君今日華門開古來委吏非忘魯世
外高人亦姓回滿眼示人人不識更從何處話
根芽

縣主丁侯約遊圭峰齋次以病不果賦此
筓輿欲出更夷猶病入西風汗未收書閣水雲
聊自晚玉臺霜月爲誰秋主翁愛客杯盤大小
吏鳴鞭道路愁我有平生筋力在不尋齋次碧

峰頭

懷古

五斗之粟可以生折腰殆非賢所能即生斯世
須妨俗莫道前身不是僧廬阜社中期滾滾潯
陽菊畔醉騰騰南山歌罷悠然句誰續先生五
字燈

茶藤花開有懷同賞

看花何處發孤吟墻角茶藤又破金紫豔照人
今日態香風吹夢隔年心多情酒伴何來晚得

意遊蜂入每深病起南窓坐終日獨憐涓滴未
成斟

次韻林先生潮連館中見寄并序

承惠諸作感感年踰七十尚能與曹劉
輩爭雄於此可見好學老而不倦謹依
霜押成二篇求教病畏言多恕不一一
煙村渺渺樹成行社屋三間是講堂竹葉杯中
堪送老菊花籬下又逢霜膳夫問煮魴魚美田
舍邀嘗早稻香入社撚鬚誰寂數共尋佳句谷

年光

祖母年高令極歸白雲

丹陛共霑衣小臣去

國身多病

聖主留心日萬幾一飯未能忘補報百年終是懶依
違白頭恐負垂髫志記得城西就館時

夜坐因誦康節詩偶成

窻竹蕭蕭正晚風溪星耿耿又秋蟲一瓢豈敢
方顏子千首將無有邵雍恨月嘯花都大雅鳶

飛魚躍一中庸無人不羨黃陳輩高步騷壇角
兩雄

家兄往東向村收蚤稻登舟後雷雨大作
章侍坐貞節堂至夜分以爲憂是年甲辰
家兄六十一未嘗有如意之求

花甲人間亦易回吾兄懷抱幾時開雲師暫引
秋帆去風伯還將暮雨來社酒香消荷葉冷楚
歌聲起竹枝哀天公遺我多愁事貞節堂邊炒
夜雷

丁縣尹惠米時

朝覲初歸

病瘦山中觀物坐長官

天上帶春回琴堂未必淹
三考村醜猶堪共一杯
彩翼風雲看得意白頭供奉愧非才
如今單父無裨補分俸何須到草萊

次韻張侍御見寄二首

吐月山前坐四更一涼何不獻先生
鷓鴣棲穩那能去駿馬步高將欲行
見舞綠蓑知我醉聽

吟素練是君清許尋舊雨江門下
秋晚不來空寄聲

赤松黃石皆留侯回首丹丘是故丘
明月波間休擊楫白蘋洲上有眠鷗
誰家風雨花無恙萬古江河水自流
百尺樓中朝夕望望中去馬更來牛

聞張廷實謝病歸寄之

老夫衰病託滄溟不道滄溟亦有爭
正是黑頭堪入仕初登黃甲最知名
君當出我一頭地我

更期君萬里程聞說朱明丹已熟扁舟同作訪
醫行

偶憶夢中長髯道士用一囊貯羅浮山遺
予戲作示范規

飛雲萬丈來冥冥囊括誰將隻手擎南極回頭
一閣老鐵橋有路中天行山通碧落神明衛地
有丹砂草木靈若個長髯應識我古來真隱不
知名

九節之筇手所持兩年衰病負幽期香爐瀑布
還匡阜碧水丹山自武夷鷄犬幾時同馭氣雲
霄無日不支頤可憐一覺羅浮夢不記長髯道
士誰

羅浮道士說軒轅千古高風尚可覘枕上昨宵
驚短夢人間何處覓長髯誰能愛酒過東老我
欲凌虛問海蟾四百亂峰南斗下是誰囊括到
茅簷

夜坐

半屬虛空半屬身網縕一氣似初春仙家亦有

調元手屈子寧非具眼人莫遣塵埃封面目試
看金石貫精神些兒欲問天根處亥子中間得
寂寞

不著絲毫也可憐何須息息數周天禪家更說
除生滅黃老惟知養自然肯與蜉蝣同幻化祇
應龜鶴羨長年吾儒自有中和在誰會求之未
發前

次韻張廷實謝病後約遊羅浮見寄

滄波共擬一桴浮欲砍扶桑作釣舟箕顛舊知
堯舜大留侯初伴赤松遊空中鶴爪擎雲上橋
下泉聲洗鐵流却憶平湖林縣博仙山從我竟
何由

胷中千頃着南溟何物岑蹄莽愛爭但得百千
同買醉不曾三十便收名鶯花衮衮新搜句煙
水茫茫舊路程莫倚芳容欺老病手扶青玉並
君行

與謝胖

風波來往十年身舊事淒涼不可陳當道豈非

鈎距手青山不問打眠人酒醒旅館城南月夢
破茆茨海角春何日定携妻子去水田稼好寂
娛親

夢崔清獻坐床上李忠簡坐床下野服搭
颯而予參其間

清獻堂堂四百春夢中眉宇識天人報君西蜀
青油幕老我東籬白葛巾萬里歸心長短賦九
天辭表十三陳南風欲理增江棹也借青山卜
墓儻

公在蜀中嘗賦水調歌頭一篇其詞曰萬
里雲間戍立馬劍門關亂山極目無際西
北是長安人苦百年塗炭鬼泣三邊鋒鏑
天道久應還手寫留屯奏炯炯寸心丹對
青燈搔白髮漏聲殘老來勲業未就妨却
一身閑蒲澗清泉白石梅嶺綠陰青子恹
我舊盟寒烽火平安夜歸夢到家山夢中
對菊坡論舉此詞故中聯及之

宋史記中堪列傳菊坡門下豈無人彈文驚世

頻登閣散髮從師懶着巾嶺海一星元屬李古
今全華總歸陳山齋夢破公何在夜半歌聲徹
四隣

館廷實進士於白沙社率爾成章兼呈于

明府

壇有青松埭有花烟籠寒水月籠沙人間何處
堪棲鳳歲次今年正屬蛇樹杪看山橫半面水
邊尋路入三义高軒若肯終年住應沒閑愁上
鬢華

廷實偕丁明府遊圭峰雨中奉寄

脚頭到處是天台多少風光在草萊花縣偶携
明府去玉臺還少道人來清流赴海無千里白
骨封苔有幾堆對雨一樽須強飲爲君呼起鼻
中雷

次韻鄉人送酒

四時功德正恢台仲蔚門前十畝萊恨我未能
終日醉夫君又送一尊來江山雨過聊供眼書
卷年深謾作堆午枕南風吹不醒可能破柱作

驚雷

廷實歸贈以瑞香之花次韻留別

是誰溪裏放船來
溪月隨身釣臺衰
骨可供連日語後生
真有不羈才
笑呼白鳥同詩社
旋掬清流當酒盃
欲贈夫君何所有
畫欄新帶瑞香回

次韻丘太守見寄兼懷賀克恭黃門

綠水青山置我曹
江西遼左一神交
短籬霜菊誰供酒
破屋秋風自補茅
勲業都歸窗下枕
行

藏更問易中文癡兒多病慈親老不向清時歎
繫匏

西良容君携孫來訪

不見夫君心緒亂
忽過旅宇髮毛斑
稚孫看弄窓前筆
舫子忘歸月下灣
衰病欲尋西華枕
舊遊半落北邙山
洛陽詩酒耆英社
分付江門主客間

次韻定山先生種樹三首

東崦芳菲已碧桃
更移紅杏占西坳
每逢好雨

扶筇看不要先生抱甕澆與一野僧吟憇石無
諸俗事坐持醪不將物我來分別觀化于今是
幾遭

橋下流泉十丈窪橋頭草屋萬株花關關終日
鳥鳴樹歲歲春風人在家何處三五歌浦口夜
來一夢在天涯尊前不見滄溟闊浩浩還君一
笑誇

花時風雨羨新晴北泝南垞迤邐行春色酣酣
薰我醉年光袞袞歎人生竹林背水題將遍石

筓穿沙坐欲平客問定山何所有滿山紅紫數
聲鶯

題畫王太姥像壽家慈八十一

三元甲子不須論帝遣長生住此村花水前頭
瞻太姥雲霞裏面拜曾孫一天星彩分南極千
歲桃花發舊根議儼人間都未是壺中自有一
乾坤

至日病初起

至日哦詩起坐床梅花墻角爲誰香煖臍一餞

金櫻酒降氣連朝附子湯香附子也旋整巾裳還客
拜未堪歌舞趨孫狂赤藤杖點廬岡石向晚猶
須望八荒

兩度書雲傍玉臺不才知幸乞

恩回梅花果解撩詩思弓影何須落酒盃四大形骸
從老去一年風日想春來眼前不獨南枝蚤未
臈江桃也爛開

睡足龍溪舊草堂晨開東牖望扶桑四方雲物
書同日半夜梅梢度一陽行不媿人貧亦樂藥

能除老病何妨春來試約張東所何處撥竿弄
渺茫

山人家世本陳搏供奉何堪晚得官菽米可寬
垂老意江山不比向來看教兒別煮新年藥問
客能食老菜盤欲上飛雲更何日典裘沽酒掛
驢鞍

殘菊寄蕪素

此菊自九江界來

徙檻編籬與護持托根何謝九江時數花寂寞
元高品一賞延緣有舊知把酒忽驚今日意食

英誰吊古人悲風霜未改微聲在看到玄冬復
幾詩

晨起將出尋梅四首

朝煙橫野犢鳴破索杖山齋睡起時田父許留
今日酒梅花不欠去年詩衝寒索笑來何處帶
病尋香出每遲彷彿西湖夢中見水邊籬落忽
橫枝

半樹橫枝太逼真暗香疎影亦傳神芝蘭失寵
元無雪桃李生嫌更媚春老幹最宜千丈石香

風不動九衢塵相思滿眼天涯暮迢遞無因寄
遠人

虬枝高望鐵橋開稟氣寰中寡所諧樵塢夜寒
花索酒山厨香近月橫堦何處畫圖空議擬他
時羨鼎絕安排相逢也恨孤山淺那得詩情到
簡齋

村南义路細榮蛇注目寒江不見花遠樹帶烟
風裊斷長稍離岼石鈎斜看來欲洗溪邊竹折
去須乘水上槎買地結菴何處所老梅今擬作

東家

太子少保前奉

勅總兩廣軍務都御史郝陽朱公輓詩

十年持節嶺西東奏疏

金門月幾封都府清虛如到寺家徒冷淡不隨公瘡
瘼已拯人間溺經畧還收戰外功猶與後時憂
餽餉羨餘不以獻

重瞳

髮疎齒豁瘴天涯已道頭顱事可知萬里忽聞

徵召起九泉應恨乞歸遲事方年少常如鈍慮過時

人或似癡愛惜餉軍三十萬至今猶繫俠人思

公爲陝西布政使方出師衆以餉道不給爲憂公獨以身任其責省三十萬餘石陝人至今德之

楚天春望思難任生死交情祇自深豈有鵬程

高萬里故收駿骨破千金姓名叨入黃公傳絮

酒空懷孺子心拂拭孤桐向明月哀絃彈絕不

成音

讀張進士輓丁明府彥誠詩次韻

六年官守斃諸難七月孤兒護一棺作縣未逢

直事會濟人初試小還丹思張公道多違俗入
叙年勞不轉官今日桐鄉須愛我還公俎豆黃
雲間

寄莊定山蕪謝惠藥鼎祭器

青燈白馬共延緣半樹梅花一大顛太虛色咲

親公剛一月江山別我忽三年縣車有病時將
晚辟穀無方意可傳祭器遠來人不見夜焚香
炷拜青天

易柳訃至乞書銘旌

三年不款白沙扉病枕春來耗亦稀天地無窮
流水遠江山猶是昔人非賢群半逐春雲散老
泪還隨暮雨飛八字銘旌吾敢愛知君不愧舊
儒衣

太子少保誠菴先生歸葬柳陽適會憲長
陶公遣生陳諫借景易往祭其墓遂併以
公意作詩贈之

銘旌前日別金臺故吏門生安在哉黃葉孤村
荆桂老青山連騎越香來人思舊德聞吹笛鳥

避新阡下啄苔欲了平生功德狀到時須打墓
碑回

黃金誰問買端溪羊枯殘碑我解題一飯可忘
公吐握千秋遺愛廣東西寒瀧急雨飛濤惡夜
峽啼猿哭月低不爲高堂兼卧病天涯絮酒肯
教携

謁諸墓

宿草荒墳祗自悲百年心事欲奚爲券堂有鼠
能穿地神道無人可假碑數口仍憂開歲給一

錢未領到官支赤坭淺土嗟何及早晚牀金盡
一揮

悼林琰

青湖山下抱琴回人道藩籬自此開凜雪果嫌
身抱柱甘眠真有鼻呼雷塵埃衮衮荒書課鴻
鵠翩翩落酒杯多謝急難兄弟好爲收遺骨葬
蒿萊

扶胥早寄坐中身晚入鬻官忽四春放意自名
狂者事到頭誰是醉鄉人世緣可徇聊同俗習

氣難除每喪真聞道平湖歸漸近相逢空有一
沾巾

景雲如柳陽未返懷之舊韻

曲江忠襄卿先達過兩廟拜看留題鳥還英德
山當面人向芙蓉路更西蓋頂拂霜羸馬怯擔
頭衝雨跛奴低西風兩眼龍門泪灑向桂陽何
處溪

袁侍御夜過白沙

萬里心期共杳然春風何處酒相延霜臺白髮

三千丈草閣青燈十九年醅酌放歌聞浦口支
離從事說南川乾坤此意誰拈出盡是庖羲未
畫前

候緝熙

何日江邊艤畫航春風先客到林塘鳥性亦知
長傍樹人情莫甚久離鄉蕭蕭白髮春還短悄
悄丹心老更長不負平生袁御史嶺南無地著
秋霜

悵望春江醉欲呼諸君還契此機無花開小泝

供持酒水到垂楊可繫艫暮景何勞方伯玉前
程端勿問平湖故鄉不似前回別江閣青燈對
老夫

寄張蕪素

歸舟遠泝長江水信息初通五嶺雲此日山林
聊共病幾時風月許平分諸賢在位當扶世我
輩何人敢避群蚤晚求丹還入海風濤滿地却
懷君

緝熙至用寄蕪素先生韻寫懷

黃鸝啼破海山春萬里滄溟一片雲童子燒香
賓客坐老妻謀酒隔墻分閑花塢裏藏春色麋
鹿山中失舊群今夜蒲團空對我明朝煙艇不
隨君

草閣春風忽兩人坐臨江水看江雲尋常肝肺
詩中寫六十頭顱鏡裏分落絮風驚還著樹行
人日出便離群孤舟遠下南京道望斷梅關不
見君

次韻張廷實白沙舟中寫興

春浪江門又打山孤舟誰蕩兩山間雙眸少見
鸞高翥百歲當如蔗倒食影響何勞空說夢功
名真個不如閑何人解脫葫蘆纏跣下漁磯共
釣竿

白沙先生六十年脚頭到處是青天幾場世事
攢眉應千丈雲根枕頂眠今夕高談真不偶後
來勝會恐無緣白頭不起江門浪打住吟風弄

月船

好月江門客未眠水風吹冷綠楊烟望窮碧海

三山路與蒲羅浮七洞天勢利可能驅我輩路
人剛道是神仙千峰不語留君醉乞與人間作
畫傳

寄太虛用舊韻

衆生尊我我須勞公在吾儒公亦豪數點曉星
滄海遠一牀秋月定山高性空彼我無差別力
大乾坤可跌交十二萬年如指掌且拚閑弄在
甄陶

寄定山

影響驅馳等是勞風流今古幾人豪但聞司馬
衣裳古更見伊川帽桶高巖徑無風松子落翠
屏終日白雲交定山樣子從來別詩變堯夫酒
變陶

封博羅何孝子廬墓詩卷

春夏誰開發有功直憑天地閉秋冬三緘欲了
西涯意諸作還經老手封活水有源終到海遊
絲無力秣隨風肯將吾道千年計跳入羅浮四
百峰

重約馬默齋外海看山

春風擬進赤泥舟曾約看山此共遊落蕊忽過
三月半先生能復一來不堪老我癡猶在且
喜嬌兒病已瘳想得渡頭楊柳樹清陰閑弄釣
魚舟

代簡荅黃大理仲昭

先生面目入中年海曲丹青不遣傳尺簡豈堪
頻問訊兩京還說舊因緣餘生可試屠龍技畢
嫁纒消鬻大錢九曲棹歌君莫唱千秋誰和武

夷仙

代簡谷林蒙菴用前韻

忽忽浮生又一年
圖書老矣待誰傳
人非爲已終無得
我與先生似有緣
六十懇辭兵部祿
尋常亦欠酒家錢
武夷九曲君應到
爭向區區問學仙

次韻谷林別駕

誰軟南溟一口清
惠陽別駕不勝情
春雲可待成霖雨
空谷還來問朽生
每恨功名欺老病
關

將律呂寄新聲
白頭滿眼知音少
却愛夫君蓋未傾

杖

一杖何妨九尺材
白頭筋力小低徊
西崖拄月翩翩去
浦口挑雲得得來
原壤見之休扣脛
醉鄉扶我且斲盃
一生用底公須愛
持贈山僧恐未該

與陳聰

秋風兩見莆陽子
皂帽青筇去復回
眼底流年

三十許脚跟行路幾千來未知世事真能忘初
得家書不肯開若問江門何所見兩涯春雨長
青苔

袁侍御輓詩

九載宜興共太平長官能事問生靈霜臺白筆
宜當路

北極中天拱列星眼底兩途分淑慝手中三尺有雷
霆却疑夜半龍川雨直爲高賢洗汗青

山齋秉燭話同遊十九年中酒一甌赤縣敢辭

烏府召江湖先有

廟堂憂諸公不意辰星少百計猶須晚境休何處
龍川子規鳥爲君啼恨五更頭

近陞憲副翁公以占城國主自海南來省

過白沙索和李黃門諸公韻

炎氛莫近使君驂清雨爲洗瘴天南

聖朝簡畀公何忝長夏驅馳老尚堪林下朝朝還暮
暮水邊兩兩復三三忽逢海上夷王過又把新
聞續舊談

留朱其節誠菴先生之姪也

早從太保學關西三十不官人得知到處自稱
西楚客逢人只說李承箕百錢拄杖還雙屨千
里低頭但一碑江上竹枝歌正好留君况是月
明時

中秋與朱其節白沙賞月呈其節兼寄其

從子玘

天壤與君分楚越中秋高坐白沙菴雖無絲管
留人醉且對滄波與客談桂樹何年攀月窟竹

枝今夜唱湖南外沙子第通家舊一煩君語
阿咸

元旦試筆二首

六載虛勞供奉

恩白頭吾亦兩朝臣閭閻擊壤今弘治簡冊編年又
戊申日色小薰穠李畫風光欲醉乳鶯春廬岡
此景誰分付也到江門不屬人

天上風雲慶會時廟謨爭遣草茅知隣墻旋打
娛賓酒稚子齊歌樂歲詩老去又逢新歲月春

來更有好花枝晚風何處江樓遂吹到東溟月
上時

次韻李子長抵江門之作

江門之水流千春玉臺之山多白雲此山若解
留人住此水應須與客分雲谷夫人終不老舞
雩童子又成群去時若問來時見尋樂齋前對
此君

送李子長還五羊

津頭看水坐成癡天地閑人我却知此日江山

初見子向來風韻更因誰春波蕩柳舟難繫曉
樹啼鶯枕欲欹江上明朝空引望白雲何處又
支頤

寄廷實用前韻

轉花黃鳥更在癡報得春光滿地知千首有詩
都寄子一瓢無酒可干誰夜來極飲花神喜江
上長歌斗柄欹還憶舊遊三兩輩眼前今古滄
交頤

得陳庸書寄莊定山

族子不須疑用舍定山休更問行藏千年天地
逢開闢一代規模見主張老惜筋骸雖伏枕分
甘藜藿也高堂觀棊莫道無高着當局輸贏又
未量

約諸友遊圭峰文都報子病不果行呈廷
實伯饒

西望蒼崖意已傾恠來天道與人情雲頭似墨
朝垂幕雨脚如絲夜擁綾三約兩違真未信百
憂千弄卒無成相看獨有南山老打硬猶堪逐

後生

與廷實同遊圭峰別去思想無已作此奉

寄且申後來崖山之約

弄罷飛泉下玉臺青天何處首空回城中春雨
君高卧竹下茆亭客未來坐隔談鋒終日咲碑
封丹蹟幾回開孤舟莫負秋來約同到崖門白
浪堆

千尋嶺上更登臺再到丹丘忘却回雨歇山齋
人已去月明江舫夢還來不拚鐵杵磨針利豈

乏金篦刮眼開回首崖山多感慨英雄枯骨漫
成堆

身用前韻寄文都曝日臺

君家曝日有高臺君坐臺中日幾回旁舍先生
扶杖過平湖縣博寄詩來不知天道晴還雨屢
見山花落又開已有高人來指點白雲何處路
旁堆

次韻李世卿雨中

南北東西眼欲連擔頭風雨夜鳴泉天低鄂渚

衡山外人在江門海水邊愛酒時時同李白論
詩稍稍到庭堅故人解致西山鳳想脫漁蓑上
畫船

李憲副若虛枉顧白沙別後賦此

江門相見忘平生何處長安蓋已傾素壁龍蛇
騰十丈清談賓主破三更鶯花舊頌詩全好山
水初經眼獨明不怕長風吹大舶使君一口吸
南溟

偶成

秋月朗耀秋風清漁翁自譎還自聽却慙夜半
留雙睫早爲人間了六經賢聖當爲天下極何
人不共此心靈從前欲洗安排障萬古斯文看
日星

與世卿間談兼呈李憲副

風光何處可憐生共把閒愁向酒傾今日花非
前日看少年人到老年更秦傾武穆憑張俊蜀
取劉璋病孔明萬古此寃誰洗得老夫無計挽

東溟

禮樂猶存魯兩生至今聞者尚心傾乾坤已正
高皇統制作還隨漢事更世情迥與淳風別山
色須看過雨明枕底白雲閑一片直從南斗騰
東溟

酒醒西巖看月生此懷此夜向誰傾百年自信
官情淡兩耳那聞世態更露飲秋蘭分楚客詩
聯石鼎對彌明五湖煙水能多少更整絲綸釣
八溟

午枕清風汗不生鼻雷打到日西傾東西山色

移床看六十年光轉瞬更廬阜白雲真太華玉
臺高閣小朱明丹青若更閑分別老子江門是
一溟

草長津南薙復生陰晴天氣欲相傾短簷風暖
偏宜睡古瑟絃高且莫更有客艤舟留信宿呼
兒問酒出黎明短衣江畔聊延竚又聽漁歌徹

四溟

病裏風光如隔生泥尊名酒爲誰傾不將尊菜
還張翰也把茅根與率更松下白頭眠卓午沙

邊赤脚步平明安期久矣無尋處知在南溟是
北溟

獨立滄茫咲此生瘦筇幾尺也扶傾新傳織屨
無多舊舊濫吹竽亦小更徃徃詩囊隨李賀深
深酒琖寄淵明世間未必如公足山有飛雲水
有溟

碧酒三杯春又生偶逢騷客各披傾楊雄識字
終誰讓家媪知音却屢更舊管一題都迭蕩新
收半卷轉高明封緘遠寄而宗老月在青天影

在溟

羞將白髮對黃生信未通前意已傾門靜客稀
偏足話山迴埭遠不知更鷄鳴桑柘孤村曉日
出東南一角明我欲與君同辟穀不携妻子住
滄溟

月下懷世卿時在南山

世卿昔赴南山召今見南山問世卿信宿世卿
向何處一片南山空自青滄波脚底機全活勾
漏囊中藥果靈且傍鐵橋携笛上亂峰明月試

吹聽

寄外史世卿玉臺

兩崖樹石幾重衙富貴人間未足誇到寺客携
元亮酒在山泉煮玉川茶高軒倘許重過我多
病仍便久卧家對月不禁秋思得清吟分付一
籬花

病領詞官不到衙老慵無意向人誇四時好景
偏留句兩腋清風每試茶司馬雖稱題柱客薛
公猶在賣漿家近來山寺多高興更作詩豪對

浣花

城扉半掩更休衙
客子山中句可誇
階下西風吹落葉
僧呼童子掃烹茶
著書歲晚堪投筆
見月宵來定憶家
記得西甌舊遊處
蒲船秋雨木綿花

江城吹笛月斜衙
回首秋巖寂可誇
世外一眠那有夢
腹中三斗却須茶
文衰東漢無高手
詩過中唐少作家
咲殺平原趙公子
當年毛薛眼金花

記早用前韻

簫管聲停刺史衙
豐穰無復去年誇
禾焦百畝還輸稅
菊到重陽可泛茶
僂壤兵戈悲此夜
隔村煙火問誰家
諸公果解憂民極
肯筭腰金不鏤花

得鄧俊圭書

舞雩童子亦同遊
陋巷高賢得自求
漢老豈非徐孺子
宋人何獨薛居州
數莖雪報年華晚
獨樹風驚昨夜秋
書使遠來深有意
白雲高幘岸

羅浮

九日李鴻兄弟携酒從予登舍北小廬峰
四望書所見寄世卿圭峰

山愛廬峰節愛名登臨袞袞到諸生千巖已見
昏鴉集兩榼還挑大斃行壠稻不收交馬跡寒
花莫賞更人情玉臺此日秋風賦誰敵縱橫李
世卿

六十一自壽

世間甲子是何年毋髮雙鬢子亦然十數曾孫

羅膝下兩三盃酒笑燈前尋僧野寺花迷路吹
笛江門月滿船

聖聖萬年歌不足黃河清了鳳踰躔

孤子今來六十一慈親已過八旬三旌書門外
題新榜拭泪床頭換舊衫少有齋畬供俯仰不
妨漁釣老東南些兒別作長生計巖畔丹書有
兩函

侍御朱先生將還京再過白沙言別出示
同寅周先生送行詩因附其韻二首

白雲集卷六
五十一
老大師門浪我推飛騰天路是君期兩藩須按
兵民籍百姓當懸父母思燭剪山齋曾舊雨蓋
傾

京國亦多時分携別作無言贈處處還君不暫離
濟世才須古所推偶聆高論識心期閑披伯紀
當年疏併入周公半夜思滄海月殘微醉後青

山禽語晏眠時朝

天驄馬乘春去高步彤墀珮陸離

臨安守美宣同姓將赴任過白沙言別出

示莊定山所贈詩次韻

崖門春弄海濤高太守當年共草茅山閣遠煩
青眼顧世情渾是白頭交功名此去期當道風
月何妨坐小舸敢異千金收馬骨真成一咲擲
鴻毛

夜半海風來最高江亭卷我三重茅一林月色
曉還在四壁波光寒欲交皂蓋忽聞催驛騎綠
楊長繫釣魚舸也知窮達關天命誰把行藏管
髮毛

廷實累約遊崖山不遂世卿在數千里外
不期而同行止固亦有數耶次舊韻寄廷
實

海中來覓羨門生雪浪如山故故傾盡舫兩期
人不至蒼崖一別歲頻更嘈嘈鼓笛轟雲下弄
弄波濤到月明誰道青蓮李居士一槎千里共
浮溟

和世卿留別韻

咲索南枝冷未禁詩情翻盡別情深杯中涕泪

知郊意手裏推敲失島心赤壁去看橫白鶴大
崖不著買黃金山僧許借山房睡只許僧分月
一尋

白首山中病不禁百年愚計謾成深四千客路
旁人咲去位憂端各此心何限詩留何限意一
囊書當一囊金江門細路細如線端爲高軒廣
尺尋

代陳汝岳謝李世卿撰玩琴軒記

先子當年坐一軒軒中高榜揭無絃斯文觸目

休論價世德流芳可盡年從此兒童堪我誦是
何風韻與人傳道傍雖有崖千尺不得名家一
字鐫

玄真送枏

溪園十月摘黃枏歲律將窮致小籃繞膝癡孫
高起舞隔年乳酒正開蠶色香本出梨之右風
味真無嶺以南不惜霜根傳藥圃白頭還解荷
長鏡

讀推府胡公爲纂脩事批責本縣不采

知縣行狀申文後

州里謹騰此郡推揮毫今徹九泉知古來士
都元氣天下人心自秉彝太史書須凡例定桐
鄉愛是長官遺憑君更向郊原問怕有人問未
采詩

得世卿南安書

嶺客歸時一信通匆匆燒燭待開封心知別去
千回折詩長從來一格工大意天開曾點識前
途誰貸阮郎窮世間浩浩閑來往除是青山不

負公

世卿寄示經飛來寺和予壬寅秋舊律詩
復用韻答之

山寺燃燈客欲留客情到此淡於秋詩篇可續
還杯酒行李無多共一牛峽水更看東逝急嶺
猿那肯畫啼休舊題回首今如夢巢父猶應笑
許由

將營土閣使人取材於海山颶作舟踰期
始至喜而賦此

颶井徒懷一月憂眼中材木稱心求老妻洗
傾紅秫秋浪來帆出白頭萬里滄波宜遠望四
時風月欠高樓時哉版築休停手二頃陂田幸
晚收

秋夕偶成小兒失解聊以慰之

崔顥賦詩黃鶴樓白雲黃鶴兩悠悠江山供眼
不知老風月滿蓑還是秋三試吾兒雖失解一
花司馬未簪頭何人久抱遺珠恨黑紫抽成白
紫抽

閩語謂鬚也侏儻不可曉故取音
之近似者傳會閩士見者笑之

憶世卿廷實用寄景芴韻

東西垣竹影交欹坐到芭蕉月上時何處塵蒙
春試馬壁間苔沒舊題詩一盃脫粟吾將老萬
里長風子可羈別有樵夫來歇擔晚涼松下
殘碁

永豐劉景惠持吾亡友羅一峰事狀來訪

白沙道其尊翁程鄉宰肅菴願交之意留

余館中數日贈以是詩

孺冠秋晚謝遲回林下齋扉不浪開顧我敢辭

千古述故人真爲一峰來風流想見雷封下消
息通傳雪浪堆明發仙舟聞解纜屋烏情在莫
頻催

贈潘上舍漢用前韻

東山月上暮潮回誰遣歸帆趁月開草屋肯留
潘上舍玉臺還對古如來纔看溪樹交成幄又
見秋沙卷作堆半醉贈君歌亦半教兒還覆一
杯催

予欲爲一峰傳而患無所本其子梁撰事

白沙全集卷之六
狀托程鄉令劉君肅菴肅菴以授其子景
惠至白沙予將考其事實爲傳無所復辭
顧吾文凡吾懼不如司馬可傳之遠景惠
行復梁兄弟以詩用前韻

北海英風夢始回誰將年譜到山開忽驚落月
神如在却對秋花咲不來雛鳳一群丹穴內殘
星幾點慶雲堆春秋畫筆終難擬天地斯文更
着催

晚酌示藏用諸友

何處氤氳到此溪香林高樹望中迷瘦藤拄月
秋山遠破褐隨風晚袖低廬阜亦開新洞府玉
臺還是古招提黃柑白酒誰賓主不放今宵醉
似泥

風清月朗此何溪幾個神仙被酒迷雲水此身
聊起倒乾坤人眼謾高低因過紫極聞丹訣旋
把黃金鑄水提問我何如蘇內翰夜觀赤壁踏
黃泥

四人把手過龍溪一路梅花了不迷滄海月明

三島近白龍天迥象山低客携卷子抄詩草兒
上松枝掛酒提盡日醉眠崖石上莓苔茵厚木
沾泥

涪翁指點好瀟溪老眼青天醉不迷五老峰連
湖月白綠荷風颭水煙低無窮光霽還相接太
極圖書謹自提懶與時人談此事風流真個隔
雲泥

賞音無代無須溪我爲諸君畧指迷開卷直疑
韓愈錯吟頭剛向孟郊低會脩大藥遺真種

得乃圭出粉提晉魏以前無近體獨憐陶謝不
拖泥

東溪牽犬過西溪短屐衝烟步步迷秋竹苔深
人語靜古壇松冷鶴巢低山花折去空盈把春
酒沽來不滿提咲把長竿弄江月草間郭索尚
蟠泥

屋上青山屋下溪溪山何處使人迷巖頭老樹
排風正門外垂楊拂浪低東渚曉烟縈舴艋西
山夜雨落菩提涓涓却咲三江水未洗巖光脚

板泥

漁翁向夜宿何溪月色蘆花到處迷
蓬背風吹黃葉過船頭浪卷雪山低
晚來竿綫殊堪弄老去干戈不著提
自有平生煙水分何曾軒冕視塗泥

丹青不寫武陵溪只記桃花也著迷
芳草獨行山路僻白雲相送洞門低
唉呼竹笠前頭拜交付詩囊右手提
風月滿山關不住他時須用一丸泥

十一月梅開滿溪探花長是被花迷
巖前老樹藤纏殺路上橫枝竹掃低
香動酒卮羗欲軟影留山月不堪提
逋仙此意還真否唉指江門履底泥

贈朱玘還郴陽玘云近會世卿於武昌還
過衡山下以諸叔所勒詩文碑來留數日
而別

君過衡山不上山祝融峰在有無間
青燈此夜聞長歎白髮何年許共攀碑蹟
我留諸叔久酒

盃誰放世卿寬明朝又別東溟去還着東溟畫裏看

得賀克恭書

賀遼東黃門欽也

一封初展制中書萬里遼天見起居何處江山還着我斯文今古正關渠傷心入夜思賢母老眼當年識鳳雛瀛洛諸公傳不遠風流衣鉢共團蒲

疊韻寄迺子諮

少年誰授訪之書父子元來共廣居無極混淪

親茂叔西銘特達見橫渠名駒獨步空凡馬一鶚高飛失衆雛想得趨庭詩禮罷愕然木榻對

盆蒲

耳目無交不展書此身如在太清居雪消爐燄水消日月到天心水到渠一一園花都傍煖飛飛江燕未將雛好春好伴須行樂東起松根七尺蒲

和元夕客中韻

人間樂事此宵同高坐春風一簞中無地張燈

聊對酒是時聞雨不開蓬推敲一字須公得剪
刻千門亦女功厭見乾坤多事在紛紛萬有不
如空

次韻張侍御叔亨至白沙

生死遭逢未可知兩生名氏至今疑自陳多病
甘為退肯與閑愁博得衰冷雨侵人呼酒數瘦
藤扶老看花遲繡衣未咲茅根禿來請延陵十
字碑

次韻張叔亨宿別

春草江門綠兩涯隔江人唱浪淘沙好春剛到
融融處細雨初開淡淡花僻地豈堪留客久連
床端合拜君嘉明朝愛得醅醕別笑脫藤蓑付
酒家

次韻鄒汝愚陽江道中見寄

幾番形跡落堪輿我亦人間一腐儒遺我數篇
風格別思君一夜鬢毛疎未知滿眼誰能恕可
復窮鄉自作孤十二窩中春自在打乖正坐不
堯夫

春寒

江雲將雨弄春寒，壞絮中宵裹作團。二月北風
還浩浩，幾程西路更漫漫。忽聞鶯語當窻涕，想
擬花枝翌日看。天道陰晴也無定，藥爐且可共
泥丸。

一之飲隣家醕酌仆地戲作

山人早挂十年筇，勃率高低笑殺儂。拾得田中
雙草屐，知傾花底幾。那箇虛空筋斗，何妨打造
次文章。莫浪攻見說，綠楊津口月玉山先倒主。

人公

一之有足病五
十年即杖矣

贈曹御史

吹斷南風雨，一川畫船到處是。青天公程我枉
聊經宿，吾道君憂正。百年東海病夫身，日遠九
霄孤鳳眼。將穿不知詩史千年下，誰與平章贈
處篇。

何宗濂書來推許太過，復以是詩

後來鄉里不如前，五百乾坤浪數年。何地可攀
文獻，駕平生願執菊坡鞭。泰山北斗諸公地，朗

月清風病叟天竊比聖門吾豈敢汗顏窓下讀
來箋

題兩山居士圖爲新淦李文光大賈

盤谷不知何處山君家真是兩山環萬盃春覆
酒遺老一枕日高天與閑水墨殘巾藏措大江
湖前夢說邯鄲披圖一笑逢摩詰北泝南垞欲
往還

讀林和靖詩集序

廟堂不坐周公旦到處山林有鹿麋北斗收名

千古獨西湖送老一枰誰鶴知好客來尋主月
爲疎梅出併詩未肯低頭陶靖節掛懷身外五
男兒

寄劉東山方伯用送緝熙韻

高山流水好鍾期不是西崖那得知舊雨僧齋
勞枉駕秋風薇省近傳詩堂堂白日青天見昧
昧蒼生赤子思神爽屢交終是夢幾時携手咲
支離

寄謝天錫

不了從無病與貧小廬峰裏白頭新問誰肯我
同精舍垂老思君是故人事轉頭渾覺夢煙
花過眼可憐春幾時來伴江門釣閑與諸孫講
舊聞

次韻鄜筠巢哭子

八旬老眼爲誰枯泪盡家兒不受呼天下誰還
禁此哭人間春已背公狙肝腸裂斷詩能寫氣
力傷多酒不扶正坐兩州消息好不違家訓逐
貪夫

次韻李子長至白沙

山轉黃雲信脚行西風吹袂五銖輕勝遊自喜
多閑日衰病還堪逐後生白髮我因何事咲黃
河人見幾回清看君合伴廬岡睡不獨能詩一
技成

邀馬玄真用前韻

閑眠閑坐或閑行身老溪雲病亦輕客至正當
秋釀熟船來莫待晚潮生江山偶得三人對風
月還添一榻清數日前玄真送木榻昨日書來張主事頭

顛空訝老無成

駐屐岡頭望且行
轆轤閑轉釣絲輕
秋風篙楫來無遠
夜雨溪毛剪復生
精舍晚開諸老共
長江東匯此門清
李家子弟雖能賦
浩浩之歌老更成

再和示子長

名駒千里始能行
何許雲霄一羽輕
半個先天無邵子
幾回隔壁笑侯生
幸逢

聖主重華聖渡莫
清流徹底清手弄
一九無剩欠山

林廊廟總圓成

支離病骨此閑行
搭颯短蓑何太輕
人世萬緣都大夢
天機一點也長生
借眠春草秋還綠
偷賞黃花晚更清
莫咲老慵無著述
真儒不是鄭康成

與子長說詩忽聞有談方伯華容劉先生
德政者因用韻以示

皇皇孔孟老于行
公履何階是不輕
萬有乾坤渾欲動
一波滄海莫令生
閉門想見衡山大照

眼遙分楚水清肯爲蒼生留不去三年方岳豈
無成

候玄真不至

公來不來客亦行上江船逆下江輕空聞此日
悲吟在誰問從前太瘦生竹月曉沉山閣冷石
壇秋老菊花清人生佳會真難必十度商量九
不成

野菊籬前領客行白牛拖轉小車輕風流有樣
看前輩笑語忘機接後生霜簟夜擁巖屋冷月

瓢秋泛釣湍清東溟望斷漁翁地只賣江門一
券成

次韻羅晃

高笠短蓑吾不疑白頭真結兩生知天生男子
非無事公是閑人莫廢詩十月酒多留客久千
峰月朗閉關遲夜深自弄江門遂驚起前灣白
鷺飛

送譚士直春試次世卿韻

山藤短窄製蓑衣獸錦長披力不支插帽有花

羞我老鉤詩無酒送君遲相依綠樹聞歌鳥肯
着黃金買侍兒草尾河南俱有識不知來歲狀
元誰

種梅

晚從種樹作生涯十一月梅移帶花根着不隨
風偃仰墻低惟信月橫斜夢中山我羅浮到雪
裏詩誰處士佳君欲尋梅何處是江門樵路更
旁義

種樹

早雨山泥滑屐牙瘦藤扶路入雲斜東原綠映
西原白一徑松連兩徑花寒夜試看殘月掛春
風須著短墻遮江門亦是東門地我獨胡爲不
種瓜

長日山齋不弄棊只憑種樹遣衰遲小將梅逕
分枳殼不怕松根奪荔枝帶雨煙光春淡泊隔
墻花影晝離披等閑俗計休相聒拄杖來看又
有詩

元旦次榮敷韻

謝梅開杏了何疑一節花應一節知拍岸綠波
春映閣轉枝黃鳥日撩詩江山若惜開懷早歲
月偏驚聚首遲繫馬玉臺重引望白雲閑與鶴
同飛

輓黎雪青

詩草人收味月亭先生何處獨登瀛山雲自映
新墳白齋榜空懸舊雪青到了有生還似寄尋
思是夢不如醒祗應更坐蒲團破讀盡琅函幾
部經

劉進盛書來勸著述用舊韻答之

一入商量便作疑可堪垂老更求知追陪水月
惟須酒管勾風花却要詩孟子生憂傳道廢仲
尼不怕著書遲青天試望東南上何處凌空拄
杖飛

用前韻寄羅養明工畫竹

東西舉踵咲人疑種種邯鄲夢豈知風雨揮毫
千丈竹江湖回首十年詩數盃歌舞嫌春淺高
枕乾坤得老遲聞道一枝棲亦足刺天那肯逐

群飛

玉臺次楊敷韻

咲倚長松咏晚臺三三兩兩共無懷人間紫府
千回夢我共黃雲一路來鹿洞當年尋李勃鸞
湖今日想東萊將軍夜半還能飲欲引東溟
酒盃

與楊敷投壺

矢戰輸贏更不疑老年精力此壺知君期大捷
休疑手我放微醺好賦詩三舍避人心每下一

床對此意微遲乾坤妙用安排外肯放絲毫到
奕棋

楊敷別後有懷

春潮渺渺獨乘槎春雨霏霏別釣沙海味豈能
甘此客華山真本屬吾家青垂綺陌千條柳紅
脫荒溪幾樹花老脚尚堪遊走在紫藤高挂赤
城霞

江門衝雨送歸槎破帽排風落晚沙向暖野鶯
猶戀樹感春遊子未還家山瓶免續沽來酒草

閣空殘別後花明日越王臺上望白龍何處杳
飛霞

贈趙日新還潮州

千里徵文到此堂東風歸棹夜相將雨餘帽頂
天如洗花落船頭水亦香考德每勞依講席臨
流親爲瀉椒漿潮人共守文公教趙德文章獨
擅場

送順德李縣幕岳無呈吳明府

江上清風不卷沙山中濁酒未藏家數不盡送客

發孤唱半醉扶吾來小車莫使長官愁案牘當
令滿縣種桃花敝居正在廬山下幸不來時路
口差

春日偶成

蛺蝶飛飛花映窻流鶯恰恰柳垂江出墻老竹
青千個泛沼春鷗白一雙暖日暄風酣獨卧來
牛去馬亂相撞江山指點非無句誰致先生酒
百缸

百五

中六尾... 無色... 先生...

青... 龍... 日... 先生...

地... 先生...

卷之十八

白沙先生全集卷之十八



程